



Azərbaycan Siyasi Quruluşlarının Əməkdaşlıq Platforması
Cooperation Platform of Azerbaijani Political Parties
پلتفرم همکاری سازمان‌های سیاسی آذربایجان

«خرداد قیامی» نین ایل دؤنومو ایله باغلی «آذربایجان سیاسی قورولوشلاری نین امکداشلیق پلاتفورمو» نون بیلدیبریسی

عزیز آذربایجان تورک میلتی؛

۱۴ ایل بوندان اونجه ۱۳۸۵ گونش ایلین خرداد آییندا گونئی آذربایجاندا تاریخی حادثه‌لر یاشاندی و بو گونلر میلتیمیزین شانلی تاریخینه قیزیل صحیفه لر کیمی یازیلدی. یوز ایلدن بری اولکهمیه حاکیم اولان و وطنیمیزی سؤمورگه‌یه چنوبیرن عیرقچی و فاشیست استعمارچی سیستمین سایه‌سینده اورتایا چیخان لمپن ایرانچی ذهنیت بئله بیلیردی کی ایسته‌دیگی زامان ایسته‌دیگی کیمی تورک میلتینه حقارت انده بیلر و بونون هنج بیر قارشیلیگی اولمایاقدیر. ۱۳۸۵ اردیبهشت آییندا ایران قزنته سینده چکیلن چیرکین کاریکاتور و داها چیرکین آچیقلامالاری ایسه تام اولاراق بو ذهنیتین بیر سونوجو ایدی. طبیعی کی سوروملولاری نین بو ایدعاسی کی بو یازیدا عمد یوخ ایدی تماماً یالان ایدی، چونکو یازی اصلینده تمامی ایله دوشونولموش بیر سیاسی بیاناتدان عیبارت ایدی و بئله بیر سیاسی بیاناتین سهواً یازیلماسی هنج بیر منطقه او یغون دئییل.

بیلیم یوردلاریندان باشلایان اعتراضلار خرداد آیین بیری اعتباری ایله عومومیلشدی و بوتون گونئی آذربایجانا یاییلان اعتراض دالغاسیندا اونلارجا تورک شهرینده انله معظم صحنه‌لر اورتایا چیخدی و انله بیر تاریخ یازیلدی کی استعمارچی فاشیستلر سانکی اوزلرینه سیلله یمیش کیمی بیر آندا یوخودان اویاندیلار. طبیعی کی ایران دؤولتی نین یالاندان و گؤسترمه‌لیک شکیلده وئردیگی جزالار هنج بیر آنلام ایفاده ائتمیردی، چونکو یوز ایلیک بیر یوخو پوزولموشو و تاریخده یئنی بیر صحیفه آچیلیمشدی.

۱۳۸۵ خرداد آیین آنتی فاشیسم و آنتی آپارتاید قیامی، بیر کاریکاتورا گؤستریلن آنلیق بیر تپکی دئییلدی. هنج بیر ملت اون گون ایچینده آباغا قالمیغا قرار وئرمز. بیر میلی قیامین زمینه‌سی نین اولوشماسی اوچون اوزون ایللر و چوخلو شرطلر لازیمدیر. ایران دؤولتینه حاکیم اولان فارسچی فاشیزمین یوز ایله یاخین مودته تورک میلتینه تحمیل انله‌دیگی مدنی، اقتصادی، سیاسی و توپلومسال، جغرافیایی سؤمورگه‌چیلیک (استعمار) بو قیامین اساس سببی ایدی؛ او کاریکاتور و یازی ساده بارداغی داشیران سون داملا ایدی. اما نه یازیق کی او قیامدا دا ایران دؤولتی بیر داها اؤز قدار و چیرکین اوزونو گؤستردی و کنج‌میشده اولدوغو کیمی بیر داها میلتیمیزی اؤز قانیندا بوغدو.

بیز، «آذربایجان سیاسی قورولوشلاری نین امکداشلیق پلاتفورمو» اولاراق او میلی قیامدا شهید دوشن و طنداشلاریمیزی سایغی ایله آنیریق و اینانیریق کی اونلار تاریخیمیزده اولومسوزلوگه قووشوبلار و سونسوزا دک میلتیمیزین کؤنلونده عزتله یاشایاقلار.

آیرجا بیر داها بیلدیبری کی، ۱۳۸۵ خرداد قیامی نین آچدیگی جیغیر آرتیق میلیونلارلا یولجوسو اولان بؤوک بیر یول حالینا گلیدیر و او یول وطنیمیزین و میلتیمیزین اؤز طالعینه و موقدراتینا شرفلیجه حاکیم اولماسی یولودور. بو یول آرتیق گئری دؤنوشو اولمایان شرفلی بیر یولدور. بیز ده بو یولدا سونونا قدر یورویمه‌جگیمیزه بو وسیله ایله بیر داها آندیمیزی یئنیله‌ییریک. شوبهه سیز میلی موجادیلیمیز وطنیمیز و میلتیمیزین نهایی قورتولوشو و آزادلیغینا قدر دوام انده جکدیر.

یاشاسین آذربایجان تورک میلتی؛ یاشاسین قورتولوش و اؤزگورلوک

«آذربایجان سیاسی قورولوشلاری نین امکداشلیق پلاتفورمو»

(آدوح – دیرنیش – گادپ)

اردیبهشت ۱۳۹۹